


AYUBA



The history of Job in Kyanga as recorded in the book of Job chapters 1-3, 14, 19, 31, 38, 40 and 42.

Ayuba

Shetan Ayuba yōna farashinaa

Nigōni kēe bii yāa Uzu cērelu, ì tōmi Ayuba. Guce nōomi, iba taali zōba. Ì Ladu wohu zō ì a miibò yā vānima. Ì nigōnina zō sōōfia, ni negūna à. Ì tambuna zō dubu sōōfia, sōsaana dubu à, dina keekoori sōōru, farigana keesōru sōōru, ì zōkedana gbāa nōōnō. Ì ashi ì kpà guciyīmma gūpaila. Ì ni nigōnina tà fōbinaa kē kūni wei kūni weizō, àta nno daku negūna shishi àna nu àna fōbi àna inabi'i mī'āzō. Ànaa fōbi àna ince pai, Ayuba tà à shishi ina gbācibō'āni. Ita kpete sarasara, sāma ka wōta ì fō ka cēwi ina cēkū ita kē à gūpaini, ita kē: Wōbata dōba ma nina zunubikē à Ladu sūsō à zūnlu. Laale Ayuba tagū kēa dipai.

Dikee laduwei gbādanadina nū à dūce Zōnadi watalu, mōnō Shetan bii'ālu. Ye Zōnadi fi Ibilishini: N bō maami? Ì wī'ini ì kē: Mabi taa, mabi likaa dunialu. Ye Zōnadi fi'ini: N ma zōkēda Ayuba wāa? Ì saara ba bii dunialuba. Guce nōomi, iba taali zōba. Ì ma wohu zō ì a miibò yā vānima. Ye Shetan fi Zōnadini: Ayuba n wohu zō kakaji de? Nta olika'iji kūni ì weizō kūni fōnazō ka ì zō gupailuba dee? Adonia albalikakà ì

dikinaalu, ye ì fɔna ɔdà. Ɖɔbɔ n̄ ɔke ì fɔnama pai n̄ wa, ì fɔ
vāni fia n̄ musu. Ye Zɔnadi fi'ini: Ma ì fɔna nà'n̄ni n̄ ɔɔlu pai,
amaa m̄ba ɔke ì duwɛɛmaba. Ye Shetan bɔ Zɔnadi gu.

Dikɛɛ Ayuba nigɔnina k̄uni ì ni negũnazɔ àbi fɔbia, àbi
inabi'i mia n̄nɔ kirini wei. Ye gũkɛɛ n̄ Ayuba gu ì kè: Dina bi
jefuu garaa farigana bi shɛɛ sua à kutu, ye Sabiana hɛ'ama à à
ganima shì à yàzɔ, à à fɔkurukɛdana dɛdɛ k̄uni takubazɔ. Mani
ye ma bɔ ma din, ma n̄ ì baalukpaaji'n̄ni. Ici yāfi ì ìnceba, ye
gũkɛɛ n̄ ì kè: Cɛ sùtɛ n̄ tambu kalinama, à cekũ, à
fɔkurukɛdana gàga. Mani ye ma bɔ ma din, ma n̄ ì
baalukpaaji'n̄ni. Ici yāfi ì ìnceba, ye gũkɛɛ n̄ ì kè: Kaladiana
bɔ k̄ulu gandu à, à n̄ à hɛ n̄ sɔsaanama, à à fɔkurukɛdana
dɛdɛ k̄uni takubazɔ. Mani ye ma bɔ ma din, ma n̄ ì
baalukpaaji'n̄ni. Ici yāfi ì ìnceba, ye gũkɛɛ n̄ ì kè: N nigɔnina
k̄uni n̄ ni negũnazɔ àbi fɔbia, àbi inabi'i mia n̄nɔ bakere wei,
ye sagara utu gbādaa kpɛtɛ ì bɔ ganganilu, ì cì à kpɛ k̄ūsũ
shiima, ye ì bɔ ì sùtɛ ninanɔma, à gàga. Mani ye ma bɔ ma
din, ma n̄ ì baalukpaaji'n̄ni.

Ayuba kpɛtɛ ì ì tɔgɔɔ gàra ì kàsu, ì a mii bù. Ye ì wùcɛ a
gbɛɛɛma ì miikùcɛ Laduni ì kè:

Ma bɔ ma dɔɔ gbɛɛɛlu ɔkakaji,

má cɛɛa mà ta ɔkakaji.

Zɔnadi kpàmani, ye ì cɛɛ ì shimama,

ma saabukè k̄uni Zɔnadizɔ.

Ì pailu Ayuba ci zunubikeba, ici Ladu taaliliba.

Shetan Ayuba yǒna tara fiadibi

Dikee laduwei gbādanadinano cēē à nù à dùce Zɔnadi watalu Shetan bii'álu. Ì dùce Zɔnadi watalu, ye Zɔnadi ì làlu ì kè: N bò maami? Ì wì'ini ì kè: Mabi taa, mabi likaa dunialu. Ye Zɔnadi ke'ini: N ma zókeda Ayuba wàa? Ì saara ba bii dunialuba. Guce nɔɔmi, iba taali zɔba. Ì ma wohu zɔ ì a miibò yǎ vānima. Baa n tù ma kpètè'ini, ma asoro kè'ini kakaji, ì jè ì bii taalibadi hari bɛɛ. Ye Shetan ke'ini: má kea'nni. Fɔ ka gū zɔ pai ì kpaa a mishinaa yǎaji. Ɔɔbɔ n ɔke ì duwerema n wa. Ì fɔ vāni fia n musu. Ye Zɔnadi ke'ini: Ma ì nà'nni n ɔɔlu, amaa mba ì deba.

Shetan bò Zɔnadi gu, ye ì gyambɔ dē Ayubama shina zaa ì gbecerema hari ì yà ì nà ì mii musu. Ye Ayuba takasu shìte ì yà ì àce buuma, ibi a ginda waraazɔ. Ì ne ke'ini: N takpa ngū bii taalibadi hari bɛɛ koo? Yǎ vāni fi Ladu musu, n ga. Ye ì ke'ini: Mbi yǎfia du negū toozɔ. Fɔ nɔ wógūa lia Laduma, wóba yǎ vāni lia mɔnɔba koo? Ì pailu Ayuba ci zunubike a yǎfinaaluba.

Ayuba tɔna nuna ì waaji

Taabina ka Ayuba lì, ka ì tɔna gū àa ì baalu mà, à gūpai bò a wei à dàkū, ye à yà ì indawerekeɛji, àna ì zūn ē'ini. À tɔn lè: Temani gū Elifaza, Sua gū Bilidada kūni Naama gū Zofaazɔ. Ka à ì were fà zaa sàa, àci ì dɔ mɔnɔba, ye à unaakè, gūpai a tɔgɔ gàra ì kàsu, ye à āatē kishi à zù musu à miima. Ye à àcē'izɔ cere di sɔɔfia emena kūni gāɔnizɔ. À gūkan ci yǎkɛ fi'iniba, zaaka à wà laaka ì taabikenaa kè ashi nɔnɔɔ.

Ayuba zūmbɔna a idima

Bɛɛ gbɛ̃ji Ayuba yāshìtɛ ì zūmbò a idima ì kè:

Tu ma idi nà kɛ kakaji

gāɔni ginaa ka wò kɛ wò ma ì.

Tu di ginaa nà sori gucii.

Biina musu Ladu naba ì yākaba,

inaba tu gufu nà keluba.

Tu guci ci gīnigīni nà kuce di ginaama,

tu laduwei cii nà tama,

tu guci cii nà gēlu.

Gāɔni ginaa kīn, ina ciri ɲɔɲɔɲɔ,

wònaba ka wɛ̃ dinalu mɔnɔba,

wònaba gɔ̃ mɔ dinaluba.

Tu gāɔni ginaa nà kè neda

guudaa nabagū dɔa di bɛɛba.

Ijēkeda ka àbata tu usɔ̃ nà gufukeba

ina laalike di ginaani.

Tu ì dikēna sɔɔna nà ciri,

wòna dikēnaa dā kakaji, di ba kēaba.

Zaaka di ginaa ci ma dɔ̃ sɔ̃nɔ̃ jɛɛ tamaniba,

ì tù ma wereshiikè taabile.

Bɔyāaji wòci ma i gee yāaba?

Ì kè laala maci bɔ gbɛɛɛlu mà ta kyāakyāa?

Ì kè laala wò ma kpà gbema?

Bɔyāaji wò yɔ̃ kpàmani ma mì?

Manaa gà yāa, dà ma bii shiu,

dà ma iwerekè ma ùsã
kūni kirinazɔ kūni dunia yākpadanazɔ
ka à kpe jidana bù à mɔɔke nnɔ ginda,
kirinazɔ ka à wulaa dākū'nnɔgu,
ka à anzarafu kà à kpe fà.
Ì nɔɔ yāa wò ma vɪri du gberɛbɔnaazɔ,
du nizɔ ka nù ge, ici dunia waba.
Gube yāvānikedana tà à yākici tu,
mɔnɔ gbādadabagina tà usã.
Dēbuzɔna tà utumigu li gube,
àbata à weretēkedana lokɔluu ma mɔnɔba.
Gbādanadina kūni talakanazɔ bii gube pai,
zɔɔ kīn batagū bii a zɔnadi mu gube mɔnɔba.

Bɔyāaji Ladu tà gufuke indawerenadinani
kūni gūnazɔ ka à zūn wùri?
Àta waaji gaa nà nua ina à shite, ibata nuba,
àta ì tō ì kpà laaka wòta kawere ashi tōla.
Ànaa gē āatēlu, à zūn tà ke nda,
à zūn tà ia nɔɔnɔɔ.
Mani gū ka ci dō guu ka a biiba,
Ladu kalii likamaji gupailu.
Wina duuduumi ye ma fɔbina,
ma òdanaa tà bɔ ma lɛlu du izɔ.
Yā ka mabi wohumaa'ini ye ma lì,
yā ka ma kākā jèji ye ìcemama.
Mába bii baaniba, mába bii shiuba.
Maci usānaa liba, wuhu gbādaa ye gēmalu.

Guce biina indawerelu

Guce tà bɔ nɛgũ gu,
ì hundi kucĩn, ibatagũ bii yãkicibadiba.
Ita legu du vũnzɔ, ita utufa,
ita gitaa jerema du naniizɔ, ibata geekɛba.
Gũ be takali n waadɔa'iji
n yãjẽ'ima?
Gũ gbãcinadi ba fɔa ina ni gbãcibadi iba,
baa duu.
N guce dina dɪ'ini,
ì mɔ gbãa le bii n yã,
n ì wɛna le kà'ini, iba fɔa ina buraba.
Wɛɛ gu'ima n ì tu gube,
hari ì dina fa du kurukedani dinazɔ.

Baa akɔ tà sa'aali,
zaaka wònaa jẽ, ita cɛɛ ina nɔɔ,
ì nɔɔna dere ginaa bata guba.
Baa ì misaa nà jidake cerɛlu,
mɔnɔ ì mikutu nà ga ãatɛlu,
inaa í gberena, ì nɔɔa,
ì ɔnikea du akɔzɔ ka wò zù.
Gũ nàa ga kɪn, itagũ wucena pɔrɔrɔ,
ita yaa, ibatagũ bii mɔnɔba.
Laaka idɔɔ i tà labu,
mɔnɔ gooru i tà gara ina gitaa jerema,
laale guce tà wuce, ibata kpete mɔnɔba.

Hari laduwei yaa inagũ biizɔ, iba vɔ̃aba,
iba vɔ̃a kũni iwere ginaazɔba.
N̄ ma dudua leeluba dee?
N̄ ɔtaamama hari n zũn wèrè'mamaba dee?
Dina dimani gube, ò gĩnaa zũndɔ ma yãma.

Gũ nàa ga, ì cẽɛa inagũ biia?
Laaka laalemi, má weredɔa ma kpetenaaji
ma dẽnebunaalu dipai.
N̄ lezuamaji, má wia'nni,
ń n fɔkena wana dangaa zɔ.
Bee mbi weredɔa ma yãkenaaji,
di be mba ma zunubi yãkaa mɔnɔba.
N̄ ma taalina kaa bɔgɔɔlu, ń iria ò d̄i,
ń kpetaa ma yã vãninanɔma.

Laaka kasaa tà wi ina yɔɔɔ,
mɔnɔ kasa mi gberɛ ashi tà susunke,
laaka gooru i tà gberɛ lɔlɔ,
mɔnɔ í tà āatē shite ina tazɔ,
laale busābusā fɔ ka guce zũnkàma nta tu ina sute.
Nta gbādaamɔ'ini, ye ita yaa, ibata ci mɔnɔba,
nta tu ina dunia tu, ì were tà sori.
Ì nina nà gbèegũ gũ gbītāna iba maaba,
ina gbèegũ gũ futana kĩn, iba d̄ɔ̃aba.
Azu igũa maa ì din,
ì ginda unaa igũa dɔa.

Ma mishida ì nua gběji

Ye Ayuba wì'ini ì kè:

Hari di borokpa ágũa azukaamama

àgũ ma zũn wuriamani?

A ma sùsõ ì kè tara koori bẹcẹ,

ata dọkekemani, uni bata a kũa.

Manaa sà yãda,

ma taali ma ginda yãmi.

Anaa takpa ábi a ginda nọkẹe fia ì kpàmala,

mọnọ ábi ma zunubi kaa ma ọlu,

à dõ ka Ladu ye ma yã lekùcẹ,

à bẹekpàmaji ì ma kũ.

Mata a dọkekenamazọ u, gũkan bata wimajiba,

mata faaba unaake, yãjerenadi ba biiba.

Ladu jere jẹmani, gitagu ba biiba,

ì gucii kà ma jerema.

Ì ma kpẹbò,

ì ma fula bò.

Ita ọkpamaji cẹcẹ kpatapai hari mà ince,

ita tu ma zũnkana yã futẹ du ako urunaazọ.

Ita a zũmfanaa bọbọmama,

ita ma wa a jedina duu.

Ì dẹbukedana tà nu ma gu ledule,

àta likamaji, àta gaa gifa àna nace ma kpeji.

Ì tù ma gũna bata dakũmazọ mọnoba,

gũna ka ma dõ à ma zùku.

Ma idibina būsāmazɔ,
ma tɔna sàsã ma yãma.
Ma gbèègũ nibaa ma wei zɔkɛdanani,
ma gbèègũ'àni du bè nibaazɔ.
Manaa ma dāda shishi, ibata wimani mɔnɔba,
baa ka ma ì wotukè, ibata ma gaakeba.
Ma le'utu tà kɛ ma nɛeni levũn,
ma bakerena kũni ma dakunazɔ ba waamaji
mɔnɔba.
Baa nigɔnina tà ma susɔ,
manaabi nua, àtagũ ma kɛ iabɔɔ.
Ma tò nɔɔna ba waa ma gbĩnyājiba,
ma widana bɔ ma gběji.
Ma gbèègũ yereɛ kũni shɛɛzɔ
ì gbèègũ jĩn mà gà.

À ma indawere wa ma tɔna,
à ma indawere wa, zaaka Ladu ɔtɔmama.
Bɔyãaji ata kpetemama du Laduzɔ?
Abata busã kũni ma kũ kasukasunaazɔa?
Má waaji wòna ma yãna kɛ,
má waaji wòna ka takadalu.
Wòna kɛ gbereɛma kũni takadakɛbɔɔzɔ,
wòna dalamaa kpetelu inagũ bii dipai.
Maa, ma dɛ ka ma mishida bii,
ì kpetea ina duce cere gběji.
Ma bɔna soahe leɛlu gběji,
má wereshiikea Laduzɔ duwere badi.

Má wereshiike'izo ma ginda,
ma ginda weremi, baa gũkɛɛ muba.
Mabi ì dangaa zo ma zũnlu.
A ke laala á kea à ma weretẽɛke,
dun à yã ginaa ma shãashã ma lɛlu.
À wohuma takubanani.
Ladu zũmfanaa bobɔazo vānikedanama,
á dɔa ka yājēnaa bi a dāa.

Ayuba bii ducea kūni ì taalibadikɛɛzo

Ma dī ma wereni
inabagũ yaa nifinamaba.
Ladu biina zaa musu, lafana kpaci wòta li'ima?
Laada kpaci Gbādapainadi tà ke'ani?
Mibadi bata weretẽɛ liba dee?
Kohi bata vānikeda liba dee?
Ladu bai ma fɔkenaa waaba dee?
Ici ma gbɛdina le dɔaba dee?

Matagũ taa kūni gudɛɛzo koo?
Ma gbɛɛɛɛɛɛ tà fudaake kūni gūbinaazo koo?
Ladu, ma yɔ ì jerema ò ma wa,
manaa bii taalibadi.
Manaa kàsa jerema,
fɔna ka ma were bi waa naabi ma zũn bia,
koo ma ɔɔ nà bii fɔ vānilu,
fɔna ka ma tɔ tu gūkena nà bi,
fɔna ka ma gīfa àna uru.

Manaa negũ dangaa zo ma zũnlu,
manaa ma gũdu kpele b̀urabura ì ne yãaji,
tu gũkena gbeka ma neema,
tu inagũ lugudaa dia gũkeeni.
Zaaka manaa yã ginaa k̀e, uniyãmi,
zunubi ka b̀uru ẁona ì yã m̀ock̀e.
Yã ginaa ce f̀akakacedami,
d̀a yãa ì k̀ũ ma jefuu f̀onama, ì ma f̀ona uru.

Ma nigõni koo negũ zokeda nà yã zomazo,
manaaci m̀ock̀e ì jeremaba,
laala má kea, Ladu nà kpetemazo yã ginaa yãaji?
Inaa ǹu ma gu, laala má fia'ini?
Ladu ka ma taka k̀e s̀onwolu ye ì taka k̀e kimba dee?
Ladu du ginaa ye wo pai k̀e ì d̀w̃o gbereeluba dee?

Fo ka taabinadi waaji mana je kpaaji'ini,
manaa je gyãa indawere waaji,
mana f̀ob̀i ma ma fee fungà,
manaaci kpa iriniba ka ba toroda zoba, too!
A'a! Zaa ma jingikedi mani irina djii.
Zaa di ka ma b̀o ma d̀w̃o s̀onwolu
mani gyãa gaakeda.
Manaa gũkee ẁa, ibi ninimaa,
koo ma talaka ẁa, iba bishɛe zo ina tata'amaba,
manaaci ma tambuna kãkã asu ta'imaba
ye ì duwere k̀e logologo ì gĩnaa garanw̃o'fĩmani,

manaa gbādaamo irini,
ka ma dǝ wò duceamazɔ yǎaji,
Ladu tu ma ishē nà kata ina sute,
ma ɔɔ nà bɔ a kagu.
Ma Ladu weretēkena wohu zɔ,
ì marekɛɛ yǎaji mába fɔa mà yǎ be takali kɛba.

Mana gbādaa li wulaama,
manaa kɛ wula dín ma aminci zɔ,
fɔ gbāana mana zūn dǝma,
kawere dǝɔ ka gɛ̃ ma ɔɔlu ginaa,
usɔɔ cɛkenaa mana were kàma,
koo mɔfu tanaa kūni ì bumbu nɔɔzɔ,
ye à yǎ bi ma zūn bia busābusā,
manaa lekà ma ɔɔlu ma ɔkè'àni,
beɛ zunubi ka bùru wòna ì yǎ mɔɔkè,
gudena Ladu Musunadinin be.

Maci zūn'ndaake ma jeda kakacena lina yǎ musuba,
maci ì ia ka yǎ ì lì yǎajiba.
Maci wi ma zunubikè ma lekè'iniba.
Dí ye ìcemama, ici sɔɔ su ì kàba?
Ma weigūna ye ma sheedukɛdana.
Ma kwaace le tagū guna nibanani,
mabata wiji nibatada nà i kacereba.
Ma lalatà ma taalinama laaka Adamu kè de?
Ma ma zunubi dùdu koo?

Gbãa àcemama, ye wohu ma kũ ma gãnadè mà yãfi
de?

Maci je bɔɔji kpɛlu dɔkenamazɔ yãajiba.

A'a! Dí ye ì ma yã lɛɛ maamani de?

Ma dùcɛzɔ. Gbãdapainadi nà yã ginaa cimini bɛɛɛ.

Ladu ka yã zɔmazɔ ginaa ina kɛ takadalu.

Má takada ginaa kaa ma ishɛma,

má kaa du fulazɔ,

má yaazɔ i gu yãna ka ma kè má deedeekɛa'ini pai,

má nua ì gu du kirizɔ.

Ma je naabi uamani,

mɔnɔ ì kãna'ataa naabi kuaadaamani,

manaaci cɛɛ ginaa findebuba ye ma ì fɔbinaa bì,

koo gũna ka zɔ yãa mana dèdɛ,

Ladu nà tu yɛrɛdɔɔ bɔ kotokoli dɔɔ,

fãnaa kĩn dawaa dɔɔ.

Ayuba yã len bɛ.

Zɔnadi yãcina Ayubani

Ye Zɔnadi yãcì Ayubani laducirinaalu ì kè:

Dí ye bi dabali soria

kũni yãfayabadi finaazɔ?

Sooluke du gɔ gbãdaazɔ,

má n lalua yãji, n wiamaji.

Ladu ye dunia kè

Ka ma dunia gèfa, ní bii maa?
Nnaa ì dõnaa zɔ, fimani.
Dí ye ì tara kà?
Dí ye bɛɛ yǎma? Ba N dǎmiba?
Wò ì kpitikà bóma?
Dí ye ì gbɛɛɛ di kūsūma,
di ka dikēna sɔɔna bi guudaadaa,
laduwei gbādanadina bi kuaadaa pai?
Ka tekɔ bɔ a dǎɔ gbɛɛɛlu,
dí ye kalii likaji ì kpɛɛ tàni?
Ma buruburuna kàni asuna,
ma buuda kàni gǎbisheɛ.
Ma ì ducegu lɛ kàni,
ma jɛɛ tàni ma kaakaabu kàni.
Ma fɪni: N nua gule, mba gitaaba,
n ikporona ashina à duceɛa gule.

N dɔɔka kè gucijĩnni yāa de?
N bɔgu mò dikēnaania?
Dikēnaa tà dunia kū ì kūsū shiima,
ita yāvānikedana jigida.
Ita dunia sori du lugudaa ka wò sheedukèmazɔ,
kasana tà bɔ gufuma du tɔɔɔ takurewazɔ.
Ita je vānikedanani àna à guci yā kɛ,
à ɔna ka à shìtɛ musu ita ari'ari.

N yà hari teku ikpakona gua?
N tà teku guwucenaalu yãa de?
Wò gaa wei letabona mò'nnia?
N lee kali lena wàa?
N taashikà dunia luu lejia?
Nnaa yã bena dǝ pai, fimani.

Gufu kwaace jere maa?
N gucii kpe dǝ de?
N fãa n yà'azɔ à cerelua?
Nci à wei jere dɔaba dee?
Baa n dǝ, ka wò n ì di bebaa?
Baa n wɛ ba le zɔbaa?

N gɛ bandaabulu ka ma gu ɛnaa kàa?
N ma lagbere dɔna wàa?
Mata kũ taabikedi mu,
mata poto dɛbudi.
Laala gufu tà ɔda?
Laala utu tà bɔ ina nu cerema?
Dí ye tà labānaa dɔ jerema?
Dí ye tà jere bɔ yɛmekɛani?
Ita tu wòna labā cerema ka gũkan ba biiba,
baa ganganilu guu ka ba guce zɔba.
Ita butukpa wei jidaama kũni tatakazɔ,
ita tu shɛɛ nà shiibɔ gube.
Laa djii zɔ de?
Dimi buuda ka tà kpa dii?

Dí sǝnɔɔlu lagberɛɛ tà bɔ?
Dí ye tà firi i, ye ita gĩnaa kpa?
Dí ye tà tu i nà i du gberɛɛzɔ
ina tu tekú musu nà gbādakū?

Sɔɔna ka ba dakūnaba n fɔa n dakūa?
N fɔa n sɔɔ gbɛɛ kūni obizɔ kata kūmaa?
N fɔa n sɔɔ sɔ'imida bɔ i lootoomaa?
N fɔa n bɔ kūni sɔɔ kokodɔɔ kūni i ninazɔa?
N musu fɔna dɔɔka dɔa?
N fɔa n à kpa kirikɛɛlu cɛremaa?
N fɔa n lɛzu laaji ina ciri
ina ibɔ ina n gbɛa?
Nta yɛmɛkenana poto àna dɔ jɛɛma de?
Àta nu à fi'nni à ìnce koo?
Dí ye dabali kà zɔbɔda'iwini?
Dí ye dɔnaa kpà koko nigɔnini?
Dí dabali ye bùru ina buruburuna gɔ?
Dí ye i fɔa ina musu itana fitɛ?
Inaa ibɔ, cɛɛ gegee tà gbɛɛgū jɛɛ
cɛɛjetɛɛna tà dakū kūji.

Ladu ye sɔna kɛ

Di ka musu'ashina bii wucena cɛɛ à igulu,
koo àbi sɔɔ tataa akɔzugulu,
nni ye tà tubike'ània?

Nni ye nta tu à nina nà kãa?
Kwaraga nina naabi likalikaa,
àbi lezuamaji fɔbina gānadena'àma yāaji,
dí ye tà fɔbinaa kpa'àni?

Guce bata fɔ ina Ladu vānikeba

Ye Zɔnadi cēē ì kè Ayubani:

Ma Gbādapainadi,
ń ma taalilia ò ma gba laakalia?
Ladutaaliwada, yācēemama bece.

Ye Ayuba wì'ini ì kè:

Mába fɔkamba, laala má wia'nni?
Sai mà ɔta ma lɛma baashi.
Ma yāfi tara du, mába cēēa mà fi mɔnɔba,
ma fi tara fia sɔ́, mába wia mɔnɔba.

Ye Zɔnadi cēē ì yāfi Ayubani laducirinaalu ì kè:

Sooluke du gɔ gbādaazɔ,
má yālalua'mma, ń wiamani.
Yākena ì jerema ń lalataama koo?
N waaji ò yā vāni kpamani, n yā ndaa nà bɔ koo?
N ɔ gbādaa b̀urumamaa?
N lɔkɔluu ì fɔa ina gu jigida?
Ashikee kūni kirikeezɔ ka zākebɔna,
marekee kūni darajazɔ ka gɔ́bishe.

Ì n zūmfanaa bɔbɔ'àma,
mihitedana wa kūni wɛɛ zaazɔ, unika'àma.
Mihitedana wa kūni wɛɛ zaazɔ, ò à labu,
bebe'àma guu ka à bii,
ò à viri āatēlu pai,
ò fɔ fēfē à wɛɛluma kasalu,
má gīnaa mà n saabukpa,
ka í fɔa ò dēbuubì kūni n ɔbiceɛzɔ yāaji.

Daragɔ

Daragɔ wa,
mani ye ò kè laaka ma n kè.
Ita shēɛ su du diizɔ.
Ì hinaa zɔ ò kpiri gbēji,
ì gbādaa bii ò kucelu.
Ita a mɔnɔ furu du ciba akɔzɔ,
ì gbɛ kēnɛɛ bii du beɛkatazɔ.
Ì yɛrena bii du mɔtēɛzɔ,
ì duwɛɛ guna bii du mɔ gyaazɔ.
Ì ashi ye ò kpà fɔ hundinadinala ka ma kè,
maa ò Kɛda ma takuba kè'ini.
Kasa ashina ye ò fɔbinaliguu
gubɛ lahoolusɔna tà kukūke pai.
Ita wuce iwi bado kucelu,
itagū iri vɔlu zugulu.
Bado uraa tà ka'ima,
fa lalana tà kaka'ima.

Baa gooru ikporonaa nà nu, ibata bitikeba,
Urudũ i'icenaa naabi ì le lia, ibata jigidaba.
Mbi waa wò fɔa wòna ì were wiwi, wòna ì kũ de?
Mbi waa wò lia wòna fɔkɛɛ kɛ'ini, wòna ì ïn fɔ koo?

Ayuba mikucena Laduni

Ye Ayuba fi Zɔnadini ì kè:

Ma dɔ̃ ka ń fɔa n fɔpai kɛ,
mbata gānade yāmaba ka mbi kekea.
N kè dí ye bi jere tataa dabalini dōnaa badi?
Yāda, yā ka maci ì fayaa dōba ma fi,
dabodaboyā ka ì kpà ma dōnaala.
N ke mà tɔ̃nɔle, ń yāfia,
ń yālaluamama, má cia'nni.
Ma n yā mà kūni tɔ̃nɔzɔ yāa,
becere ma wereshiikè'nzɔ.
Ì yāaji ye tù ma jè ma gindaji,
ma zūnsòri acena cerelu buuma.

Zɔnadi cēa Ayuba gba gbāda

Zɔnadi yā bena finaa gbēji ì yāfi Temani gū Elifazani ì kè: Ma zūn fà'nji kūni n gū fiaazɔ, zaaka aci ma yā fi ì jerema du ma zɔkɛda Ayubazɔba. À dì nigɔ̃ni shite sɔɔfia kūni tambu karoza guda sɔɔfia, à yaazɔ ma zɔkɛda Ayuba gu, sāma ka wòta ì fɔ ka

cɛwi à kezɔ, ma zɔkɛda Ayuba ì wotukea'ani. Má ì wotukenaa shia, mába kea'ani a tokɛemaba. Aci ma yǎ fî ì jɛrema du ma zɔkɛda Ayubazɔba. Ye Tɛmani gũ Elifaza kũni Sua gũ Bilidadazɔ kũni Naama gũ Zofaazɔ yà à kè laaka Zɔnadi fi'àni, ye Zɔnadi Ayuba wotukena'àni shì.

Ayuba wotukena a tɔnani gběji Zɔnadi tù ì cì a ba jidaalu. Fɔ ka ì zɔ yǎa ì cɛɛ ì lafà'ini tara fia. Ì bakere kũni ì dakunazɔ nù ì gu pai kũni ì gũ dǔnaazɔ pai. À fɔbì'izɔ ì wei, à indawerekè'izɔ, à ì zũn ɛnaa kè yǎ musu ka Zɔnadi kà'ima pai. Ye à gũpai ì gbà anzarafu kũni wula kpɛ'ɔɔzɔ dudu.

Zɔnadi albalikakà Ayubani gběji ì kpà ì farashinaala. Ì tambuna zɔ dubu koori awereshizɔ (14000), sǔsaana dubu sɔɔdu (6000), dina keekoori koori (2000) kũni fariganazɔ dubu du (1000). Ì ni'ì nigǔni sɔɔfia kũni ni negũnazɔ à mɔnɔ. Ì ni negũ farashina tɔmi Jemima, ì fiadibi tɔmi Kɛjia, adibi tɔmi Kɛrena Hapu. Cɛɛ ginaalu pai negũ kan ba bii ka ì nɔkɛ bùru Ayuba negũninanɔjiba. À djii ì à tubu di'àni lɛdule kũni a nigǔninazɔ.

Ayuba taabikɛnaa gběji ì kè wɛ̃ keesɔɔfia, ì wereshiikè a toinazɔ kũni a tǔnɔkũdanazɔ kũni a cecilelekedanazɔ. Ì jidakè kɔtɔkɔtɔ, ye ì gà.